



थेसलोनिकेय् च्वंगु मण्डलीयात पावलं च्वःगु न्हापांगु पौ

म्हसीका

थेसलोनिके रोमी साम्राज्यया छगू देश माकेडोनियाया राजधानी खः। फिलिप्पी शहरं वयाः पावलं थन नं मण्डली दय्का थकूगु खः।

यक्व हे यहूदी धर्म मानय् याये मास्ति वय्का च्वंपिं यहूदीमखुपिन्सं नं पावलयागु भिंगु खँ न्यनाः विश्वास याःगुलिं यहूदीतय्सं नुगः मुइकाः वयागु विरोध याना जुल। अय्जगुलिं पावल अनं बेरिया धाःगु शहरय् वन। अनं लिपा व कोरिन्थय् वन। अन वं व नाप ज्या याइम्ह तिमोथीपाखें थेसलोनिकेय् च्वंगु मण्डलीयागु खँ सीकल।

पावलं थेसलोनिकेय् च्वंपिन्त च्वःगु थ्व न्हापांगु पौ खः। अन च्वंपिं विश्वासीतय्सं क्वात्तुक विश्वास यानाच्वंगु व थःथवय् माया यानाच्वंगु खँ न्यनाः तसकं लय्तायाः पावलं थ्व पौ च्वःगु खः। वं इमित अज्ज नं विश्वास या, साहस का, अले थःगु चालचलन नं अथे हे याना च्वँ धकाः अर्ती बियाच्वंगु दु। अले इमिसं न्यनाहःगु प्रभु भाइबलय्यागु खँयागु लिसः नं बियातःगु दु। प्रभु हानं भाइतिनि धयागु खँय् आशा यायेगु मत्वःतुसे थःपिनिगु ज्या बांलाक याना च्वँ धकाः नं पावलं अर्ती बियातःगु दु। पावल स्वंगू हप्ताति जक थेसलोनिकेय् च्वंगु खः।

धलः पौ

न्ह्यखँ	१:१
सुभाय् व प्रार्थना	१:२-३:१३
विश्वासीतय्गु चालचलनया बारे अर्ती	४:१-१२
ख्रीष्ट भाइतिनि धयागु खँ	४:१३-५:११
दक्वसिबय् लिपांगु अर्ती	५:१२-२२
क्वचाय्कूगु	५:२३-२८

१ थेसलोनिकी

पावलपाखें ज्वजलपा

१ थेसलोनिकेय् च्वंगु मण्डली-
यापिं परमेश्वर बाः व प्रभु येशू
ख्रीष्टया थः मनूतयूत पावल, सिलास
व तिमोथीयापाखें ज्वजलपा। छिमित
दया माया व शान्ति दयेमा।*

थेसलोनिकेय् च्वंपिनिगु विश्वास

२ प्रार्थना यायेबलय् जिमिसं न्ह्या-
बलें छिमित लुमंकाः परमेश्वरयात
धन्यवाद बियाचवनागु दु। ३ परमेश्वर
बाःया न्ह्याःने छिमिसं विश्वास याःथें
ज्या यानाच्वंगु, थःथवय् माया यानाः
अज्ज अप्वः मन तयाः प्रभुया ज्या
यानाच्वंगु व आशा मत्वःतुसे प्रभु येशू
ख्रीष्टयात क्वात्तुक विश्वास यानाच्वंगु
खँ जिमिसं लुमंकाचवनागु दु।

४ परमेश्वरयात यःपिं दाजुकिजापिं,
वयकलं छिमित ल्ययादीगु खः धकाः
जिमिसं स्यू। ५ छायाधाःसा जिमिसं
छिमित न्यंकागु वचन म्हुतुं जक
न्यंकागु मखु, बरु शक्ति व पवित्र

आत्मापाखें व दुनुगलनिसें हे न्यंकागु
खः। छिपिं नाप चवनाबलय् जिपिं
गज्याःपिं खः धकाः ला छिमिसं सि हे
सिल। ६ छिमिसं उलिमछि दुःखकष्ट
जुल नं पवित्र आत्मां यानाः भिंगु खँ
न्यनाः विश्वास यात। थुकथं छिपिं
जिमिसं व प्रभु यानादीथें याइपिं जुल।*
७ अथेजूगुलिं छिपिं माकेडोनिया व
अखैयाय् च्वंपिं विश्वासीतय्गु नितिं
नमुना थें जुल।

८ छिमिसं प्रभुयागु वचन माके-
डोनियाय् व अखैयाय् जक न्यंकूगु
मखु, बरु छिमिसं परमेश्वरयात विश्वास
याःगु खँ नापं न्यंकभनं बय्बय् जूगु
दु। थव खँय् जिमिसं छुं हे धया च्वने
माःगु मदु। ९ जिपिं छिमिथाय् वयाबलय्
छिमिसं जिमित गुकथं लसकुस यात
अले धात्थेंयाम्ह व म्वाःम्ह परमेश्वरयात
सेवा यायेत छिपिं गुकथं मूर्ति पुजा
यायेगु त्वःताः परमेश्वरपाखे फहिला
वल धयागु खँ फुककसिनं धयाच्वंगु
दु। १० छिपिं परमेश्वरया काय् स्वर्गं
भाइतिनि धकाः लँ स्वयाच्वंगु दु हं।

वय्कः परमेश्वरं सीम्हं म्वाका दीम्ह येशू खः। न्याय याइबलय् वय्कलं भीत बचय् यानादी।

थेसलोनिकेय् पावलयागु ज्या

२ १दाजुकिजापिं, जिपिं आमकन वयागु सितिं मवं धकाः ला छिमिसं सि हे स्यू। २आमकन वये न्ह्यः फिलिप्पी च्वंपिन्सं जिमित दुःख बियाः नं जिमिगु इज्जत तकं काल धकाः ला छिमिसं सि हे स्यू। अय्ं परमेश्वरं जिमित साहस बियादीगुलिं जिमिसं न्ह्याक्व हे विरोधीत दःसां छिमित भिंगु खँ न्यंकेगु मत्वःता।* ३जिमिसं छिमित न मखुगु खँ हे स्यनागु खः, न मभिंगु मतिइ तयाः हे स्यनागु खः, न सुयातं भंगःलाय्त हे स्यनागु खः।

४परमेश्वरं हे जिमित विश्वास यानाः भिंगु खँ न्यंकेगु ज्या लःल्हानादीगु खः। जिमिसं मनूतय्त मखु, बरु जिमित जाँचय् याना दीम्ह परमेश्वरयात लय्ताय्केत नवानाचवनागु खः। ५छिमिसं सि हे स्यू, जिमिसं छिमिके ह्यय्का कायेत स्वयागु नं मदु, अले न छुं काये दइ धकाः हे जिमिसं लोभ यानागु दु। परमेश्वर साक्षी दु। ६छिमिसं व मेपिन्सं नं जिमित तःधंके माः धकाः जिमिसं धयागु मदु।

७खः ला, ख्रीष्टया प्रेरित जूगुलिं जिमिसं थथे याये फुगु खः। अय्ं जिमिसं छिमित मां नं मस्तय्त सुसाः-कुसाः याः थें तितिपापा याना तया। ८जिमिसं छिमित धात्थें हे माया यानाचवनागु दु। परमेश्वरयागु भिंगु खँ जक मखु, छिमित थःगु प्राण तकं बी माःसां जिमिसं लिफः स्वये मखु, छायाःसा जिमित छिमिगु तसकं माया वं।

९दाजुकिजापिं, जिमिसं यक्व दुःख-कष्ट सियाः ज्या यानागु ला छिमि लुमं हे जुइ। भिंगु खँ न्यंकः वयाबलय् जिमिसं छिपिं सुयातं थाकु मजुइमा धकाः चा न्हि मद्यंसे ज्या याना।

१०छिपिं विश्वासीतय्गु न्ह्यःने जिमिसं गुलि भिंक, बांलाक अले छुं नं धाये थाय् मदय्क ज्या सना धकाः छिमिसं सि हे स्यू, अले परमेश्वरं नं स्यू। ११बौनं थः मस्तय्त गथे याना तइ, अथे हे जिमिसं नं छिमित याना तया। १२छिमिसं परमेश्वरयात यःथें याना जुइ फयेमा धकाः जिमिसं छिमित गुलि अर्ती व साहस बिया। वय्कलं हे छिमित थःगु राज्यय् दुकायेत व तःधंकेत सःतादीगु खः।

१३जिमिसं परमेश्वरयागु वचन न्यंका-बलय् छिमिसं थुकियात मनूतय्गु

वचन मखु, परमेश्वरयागु हे वचन खः धकाः न्यना काल। धात्थें हे थ्व परमेश्वरयागु वचन खः। अले थ्व हे वचनं छिमिगु नुगलय् हा कयाच्वंगु दु। उकिं जिमिसं परमेश्वरयात न्ह्याबलें धन्यवाद बियाच्वनागु दु।

१४ दाजुकिजापिं, स्त्रीष्ट येशूयात विश्वास याना च्वंपिं यहूदियाय् च्वंगु मण्डलीयापिन्सं थें छिमिसं नं दुःख-कष्ट सियाच्वंगु दु। इमित गथे यहूदीतय्सं दुःख बियाच्वन, छिमित नं अथे हे छिमिगु देशय् च्वंपिन्सं दुःख बियाच्वंगु दु।* १५ व हे यहूदीतय्सं प्रभु येशू व न्हापायापिं अगम-वक्तातय्त स्याना बिल। अले जिमित नं ख्याना हल। परमेश्वरयात मयःगु ज्या यानाः इपिं न्ह्याम्हय्सियां विरोधी जुया च्वन।* १६ इमिसं जिमित यहूदी-मखुपिन्त मुक्तियागु खँ न्यंके हे मब्यू। इमिसं थुकथं पाप मुंकाच्वन। उकिं इमिसं लिपा तकं परमेश्वरयागु तं फया च्वने माली।

पावलं हानं थेसलोनिकेय् वने मास्ति वय्कूगु

१७ यःपिं दाजुकिजापिं, छिपिं लिसे बायाः पलख ख्वाः स्वये मखंसां नुगलं

ला बायाच्वनागु मदु। छिमिथाय् हाकनं वयेत जिमिसं तसकं कुतः यानाच्वनागु दु। १८ जिपिं छिमिथाय् वयेत स्वयाच्वनागु दु। जि पावल ला ग्वःकःमछि वयेत स्वये धुन। अय्नं शैतानं जिमित वय्के हे मबिल। १९ जिमिगु आशा धाःसां, जिमिगु लय्ताः धाःसां, अले भी प्रभु येशू स्त्रीष्ट भाइबलय् जिमि छचं धस्वाकेगु श्रीपेच धाःसां छिपिं हे, मखु ला? २० जिमिगु लय्ताः धाःसां, जिमिगु छचं धस्वाकीपिं धाःसां छिपिं हे खः।

तिमोथीयात थेसलोनिकेय् छ्वःगु

३ १ छिपिं नाप तापाना च्वने मफुगुलिं जिमिसं तिमोथीयात छिमिथाय् छ्वया हयाच्वनागु दु। जिपिं जक एथेन्सय् हे च्वना च्वनेगु भिं ताल।* २ छिमित साहस बीत व विश्वासय् बल्लाकेत जिपिं नाप भिगु खँ न्यंका च्वंम्ह परमेश्वरया सेवा याइम्ह किजा तिमोथीयात छिमिथाय् छ्वया हयागु खः। ३ थज्याःगु दुःख-कष्ट खनाः ग्यानाः छिपिं सुं नं लिचिले मते। थज्याःगु दुःखकष्ट ला भीत व हे वइ धकाः छिमिसं सि हे स्यू। ४ छिपिं नाप दुबलय् हे

जिमिसं छिमित थज्याःगु दुःखकष्ट वइ धकाः धयागु खः। जिमिसं गथे धया अथे हे जुल। ५अयजूगुलिं हे जिं थःत पी मफयाः शैतानं छिमित पापय् लाकाः जिमिगु ज्या सितिं वन ला धकाः ग्यानाः तिमोथीयात छिमिथाय् स्वके छ्वया हयागु खः।

तिमोथीं लिहां वयाः खँ कंगु

६आः नकतिनि हे जक तिमोथी छिमिथासं थन थयंकः वल। छिमिगु विश्वास व माया अज्ज नं बल्लाना च्वंगु दु धकाः लय्ताय् बहःगु खँ कन। जिमिसं थें छिमिसं नं जिमित लुमंकाच्वंगु दु, अले जिमिगु ख्वाः स्वये आपुलु जुयाच्वंगु दु धकाः नं वं कन।* ७दाजुकिजापिं, छिमिगु विश्वासयागु खँ न्यनाः थज्याःगु दुःख-कष्ट जुयाच्वन नं जिमित लय्ताः वल। ८छाय्धाःसा छिमिसं थथे प्रभुयात क्वात्तुक विश्वास यानाच्वंगु खँ न्यनाः म्ह हे याउँसे च्वन।

९छिमिसं यानाः हे जिपिं परमेश्वरया न्ह्यःने लय्ताया च्वने फइ। छिमिगु निरितिं परमेश्वरयात न्ह्याक्व धन्यवाद ब्यूसां गाइ मखु। १०चा न्हिं जिमिसं दुनुगलनिसें आम्कन वये दयेमा धकाः परमेश्वरयाके फवनाच्वनागु दु। थुकथं

छिमिगु विश्वासय् मगाः मचाःगु नं तना बीदइगु खः।

११भी परमेश्वर बाः व प्रभु येशू हे जिमित आम्कन वयेत लँ चाय्का बिया दीमा। १२जिमिसं छिमित माया याना थें प्रभुं छिमित नं थःथवय् व मेपिन्त माया यानाः न्ह्यज्याय् फय्का दीमा। १३प्रभु येशू थः मनूत नाप भायादीबलय् परमेश्वर बाःया न्ह्यःने दोष मदुपिं व पवित्र जुया च्वनेत वय्कलं छिमित बल्लाका दीमा।

परमेश्वरयात यय्क म्वायेगु

४ १दाजुकिजापिं, परमेश्वरयात यय्क गथे याना च्वने माः धयागु खँ ला छिमिसं जिमिगु पाखें स्यना काये धुंकूगु हे दु। छिपिं उकथं हे जुयाच्वंगु नं दु। छिपिं थुकथं हे अज्जं न्ह्यज्याना वने फयेमा धकाः जिमिसं छिमित प्रभुया नामं बिन्ति यानाच्वनागु दु। २जिमिसं स्यना थकागु वय्कःयागु अधिकारयागु खँ छिमिसं सि हे स्यू।

३छिपिं पवित्र जुया च्वनेमा धयागु हे परमेश्वरया इच्छा खः, उकिं छिपिं व्यभिचारं तापाक च्वँ। ४छिपिं फुकक-सिनं थः कलाः लिसे पवित्र जुयाः बांलाक हना च्वने माः। ५परमेश्वरयात

महमस्यूपिं थें मभिंंगु मतिइ तया: मखु।
 ६थ्व खँय् सुनानं थः दाजुकिजापिन्त
 स्यंके मते। परमेश्वरं थथे याइपिन्त
 तःधंगु सजाँय बियादी। जिमिसं
 न्हापा हे छिमित थ्व खँ बांलाक धाये
 धुन। ७परमेश्वरं भीत अशुद्ध जुइत
 मखु, बरु पवित्र जुइत सःतादीगु
 खः। ८उकिं सुनां थ्व खँ न्यनी मखु
 वं मनूयागु मखु, बरु छिमित पवित्र
 आत्मा बियादीमह परमेश्वरयागु हे खँ
 मन्यंगु जुइ।

९आः छिमित थःथवय् माया याना-
 च्वने माः धकाः जिमिसं च्वया च्वने
 माःगु मद्दु, छायाःसा थ्व खँ ला
 छिमित परमेश्वरं हे स्यनादीगु दु।
 १०अथे ला छिमिसं माकेडोनियाय्
 च्वंपिं दाजुकिजापिन्त धात्थें हे माया
 यानाच्वंगु दु। छिपिं अज्ज नं थुकथं
 हे न्ह्यज्याना हुँ धकाः जिमिसं छिमित
 धया यानाच्वनागु दु।

११जिमिसं छिमित न्हापा हे धयाथें
 सुं लिसे हाला जुइ मते, थःगु ज्या मन
 तयाः या, अले थःगु हे ल्हातं ज्या
 यानाः नयेगु कुतः या। १२थथे याना
 जूसा छिमित मेपिन्सं नं हनाबना तइ।
 अले थःत मालीबलय् सुयागु नं रूवाः
 स्वयाच्वने माली मखु।

प्रभु भायादीबलय् छु जुइ?

१३दाजुकिजापिं, सी धुंकूपिं विश्वासी-
 तय्गु खँ नं छिमित कने। आशा मद्दुपिं
 मनूतय्सं थें छिमिसं नुगः मछिंके मते।
 १४येशू सिनाः हानं म्वाना वल धकाः
 ला भीसं विश्वास यानाच्वनागु दु।
 अथे हे वय्कःयात विश्वास यानाः
 सिनावंपिं मनूतय्त येशू नाप परमेश्वरं
 ब्वना यंकादी धकाः नं भीसं विश्वास
 यानाच्वनागु दु।

१५प्रभुं धयादीथें जिमिसं स्यना-
 च्वनागु खः। प्रभु भायादीबलय्
 भीपिं म्वाना च्वंपिन्सं सी धुंकू-
 पिन्त गुगुं कथं नं लिलाके फइ
 मखु। १६प्रभु स्वर्गं क्वहां भाइबलय्
 तस्सःगु सः ताये दइ, तःधंमह
 स्वर्गदूत हाला हइ, अले परमेश्वर-
 यागु तुरही पुया हइ। उबलय् हे
 ख्रीष्टयात विश्वास यानाः सीपिं
 मनूत न्हापालाक म्वाना वइ। १७थ्व
 हे इलय् तक म्वाना च्वंपिं नं इपिं
 नाप तुं प्रभुयात आकाशय् नाप
 लाय्त सुपाँचय् थहां वनी। थुकथं
 भीपिं सदां प्रभु नाप च्वने खनी।*
 १८अय्जूगुलिं थःथवय् थ्व खँ कनाः
 साहस बीगु याना च्वं।

प्रभुयागु लँ स्वया च्वँ

५ १दाजुकिजापिं, प्रभु थुखुन्हु थुबलय् भाइ धका: छिमित च्वया च्वने मा:गु मद्दु, २छाय्धा:सा प्रभु भाइगु ई चान्हय् खुँ वये थें थ्यंक: वइ धका: ला छिमिसं सि हे स्यू। ३मनूतय्सं प्यखें “शान्ति दु, ग्याये मा:गु मद्दु” धया च्वनीबलय् लाक्क हे इमिके प्वाथय् दुम्ह मिसायात मचा बुइ ब्यथा जूथें आकाभाकां विनाश जूवइ। अले इपिं छुं याना: नं बचय् जुइ फइ मखु।

४छिमित धा:सा प्रभु भाइगु ई खुँ व:थें जुइ मखु, छाय्धा:सा छिपिं खिउँथाय् च्वनाच्वंगु मद्दु। ५छिपिं न्हिया जलय् च्वना च्वंपिं ख:। भीपिं चाया खिउँ थासय् च्वना च्वनापिं मखु। ६अय्जूगुलिं भीपिं मेपिं थें न्ह्यलं ब्वाना च्वने मजिल, बरु होश याना: न्ह्यलं चाय्का च्वने मा:। ७द्यनिपिं नं चान्हय् हे द्यनी, अले अय्ला:गुलुतय्सं नं चान्हय् हे त्वना जुइ। ८भीपिं जलय् च्वनिपिं जूगुलिं भीसं थ:त क:घाना च्वने मा:। भीसं ला विश्वास व मायायात छातिइ चीगु नँयागु पाता थें चिना तयेमा: अले मुक्तियागु आशायात तपुलि थें पुया च्वने मा:।

९परमेश्वरं भीत सजाँय बीत स:ता-दीगु मखु, बरु भी प्रभु येशू ख्रीष्टपाखें

मुक्ति बीत स:तादीगु ख:। १०वय्क: भीगु नितिं सिनादिल। अय्जूगुलिं प्रभु लिहां भाइबलय् भीपिं म्वाना च्वंसां, सीधुंकूसां वय्क: नाप च्वने दइ। ११उकिं छिमिसं आ: थें तुं थ:थवय् साहस बिया: बल्लाका च्वनेगु याना च्वँ।

मेमेगु अर्ती

१२दाजुकिजापिं, छिमित जिगु बिन्ति दु — छिमिथाय् ज्या याना च्वंपिं, छिमित स्यनेकने याइपिं थकालिपिन्त हनाबना तयेगु या। १३इमिसं यानाच्वंगु ज्यां याना: इमित दुनुगलंनिसें माया याना: हनाबना तयेगु या। अले थ:थवय् नं मिलय् चलय् जुया च्वँ।

१४जिं छिमित हानं धाये — अल्छी-तय्त ब्व: ब्यु, नुग: क्वतुंपिन्त ह:पा ब्यु, बमला:पिन्त ग्वाहालि या, अले न्ह्याम्हय्सिनं न्ह्यागु धा:सां सह याना च्वँ।

१५मभिंगुया पलेसा मभिंगु तुं याये मते, बरु थ:थवय् व न्ह्याम्हय्सित नं न्ह्याबलें भिका जुइगु कुत: या।

१६न्ह्याबलें लय्ताया च्वँ। १७न्ह्या-बलें प्रार्थना याना च्वँ। १८न्ह्यागु खँय् न्ह्यागु जूसां परमेश्वरयात सुभाय् बिया: च्वँ। ख्रीष्टयात विश्वास याना: छिमिसं थथे यायेमा धयागु हे परमेश्वरयागु इच्छा ख:।

१६पवित्र आत्मायागु इच्छायात
त्यलेत स्वये मते। २०अगमवाणीयात
क्वथुनाः खँ ल्हाये मते। २१न्ह्यागु
खँयात नं बांलाक वाला स्वयेगु निं
या। अले भिंगु खँ जक ल्यया का।
२२फुक्क कथंयागु मभिंगु खँ पाखें
तापाक च्वँ।

२३भीत शान्ति बियादीम्ह परमेश्वरं
हे छिमित पवित्र यानाः प्रभु येशू ख्रीष्ट
भाया मदितले छिमिगु आत्मा, प्राण
व म्हयात दोष मदय्क तयादीमा।
२४छिमित सःता दीम्हय्सिनं हे थ्व

फुक्क यानादी, छायाःसा वय्कः
विश्वास याये बहःम्ह खः।

२५दाजुकिजापिं, जिमिगु नितिं
प्रार्थना या।

२६दाजुकिजापिं सकसिनं थःथवय्
यचु नुगलं निसें माया यानाः ज्वजलपा
यायेगु या।

२७दाजुकिजापिं, सकसितं थ्व पौ
ब्वना न्यंका ब्यु धकाः जिं छिमित
प्रभुयागु नामं बिन्ति यानाच्वना।

२८भी प्रभु येशू ख्रीष्टया दया माया
छिमिके दयेमा।